



Tshe eshi milu-nashekanitsh

2017-2021

E ishinakuatsh anutshish, eshi uapahtakanitsh
kie ushkatsh e mishta-apatetsh

Katakuhimatsheta



**Pekuakamiulnuatsh
Takuhikan**

1671, Ouiatchouan meshkanau
Mashteuiatsh (Québec) G0W 2H0

Takapitshenikan : 418 275-2473
Utatusseu-tshitapahtakanam^u : info@mashteuiatsh.ca
www.mashteuiatsh.ca

Ushkatah aimuniss

Ishkuteu, kashutshiteieshkuetsh kie kau kaussiuhtsh, katshi taship nukutsh mishue etata Pekuakamiulnuatsh!

E ishkutehutsh tshuishamakunu, tshimamuhikunu. E ishkutehutsh nite manukashun makie nite laleuetahstsh shakahikanitsh tshitapatshimunanu tshekuan katshi tutakanitsh kie tanite uetuhteiek. E ishkutehutsh tshi mamu mamitunelitenanu tshekuan tshe tutamuk, tshi eshinakushiuk eshk^u.

Eukuan ne miam aitananupan Pekuakamiulnuatsh e mamuhituta nite Tshitassinahstsh uetsh e maminelitaka tan tshe ishinakunilitsh utilniunuau aishkatsh, e ilnu ilniuta Peikuitsh eshi ilniuta kie tshilanu eukuan uetsh ishinakushiuk. Tshitutenanu eshk^u anutshish aitsh tshitaitunu kie mahk kutek e ussi-apatetsh, muhk mahk uil ne ishkuteu eshk^u ishkuteun nite e taik.

Katakuhimatsheta milu-namupanitsh meshkanalu ka ishpish metameihk, aht ma e milupalitsh kie e matshipalitsh. Tshe milu-tshitapahtam^u tan eshi ilniunanuatsh anutshish, e takuanilitsh shutishiun e tshitapahmat ilnuatsh, Pekuakamiulnuatsh, kie mahk tshipishkatuna nite umeshkanam^u.

Katakuhimatsheta nishtutamupan tanite miam e taik nite uetsh ka natshishkatumikatsh meshkanaua. Nikanitsh tshuapahtam^u tshipa tshi miluelimunanun kassinu mamu e atusseshtakanitsh kalapua. Kassinu mamu, pahpeik^u uitishiuet muhk uil e itelitek e ishpiteletakanitsh tshuelutishiunua kie tshitilnu-aitunu.


Katakuhimatsheta uapahtaliueu umelu Tshe eshi milu-nashekanitsh uetsh nikanitsh pipuna tshe eshi nashekanilitsh takuhikan-atusseuna. Tshiashinehiku kie mahk tshitapuehatishu makuatsh ka atusseshtak nelu. Tshi milu-tshitapahtam^u kie tshipakushelitam^u e tutak utatusseun. Tshi mishta-pahkushelitam^u kie tshishutshelimeu Pekuakamiulnuatsh tshetshi militishita tshi milu-kashtinika utilnu-ilniunuau nikanitsh eshi tshitapahtakanitsh kie shuk e ui milata nelu utauassima kie mahk aianishkatsh ilnuatsh tshe uapahtaka ilniunilu.

Clifford Moar
Pekuakamiu ilnutshimau



Tshetshi miam atusseshtakanitsh e ui nanitu tshisselitakanitsh tshe eshi milu-nashakanitsh 2017-2021

Nite e ui nanitu tshisselitaka tshe eshi milu-nashakanitsh katakuhimatsheta tshe milu-tshitapahtamatsh nelu e ishinakunilitsh anutshish eukuan katshi, ume shuk :



Katakuhimatsheta tshe naushunimuatsh kie tshetshi mamu alakanita nelu Ka ashu takuhimatshesht pihute takuhikanilu ka uashka-apita e takuhimatsheta nite utsh Pekuakamiulnuatsh Takuhikan nelu e apatinilitsh atusseunilu uetsh tshetshi mamanelitakanitsh.

Ne mamu atusseun takuan tshetshi alu shutishimikatsh ka mamu apita, utshimau atusseun mahk ka tipelitaka, tshetshi nanitu tshisselitakanitsh kie tshetshi tutakanitsh tshekuan tshe eshi milu-nashekanitsh tipelitamuna e apatitsh aishkatsh Pekuakamiulnuatsh utilniunau. Ne ka mamu alakanita takuanilpan tshetshi nashpitsh tapuehtakanitsh e aiapishtata ilnuatsh ute Peikuitsh ka ishiliuta kie tan e ishinakushita tshikuhpanieminuatsh.

Tshetshi tshishtin milu-atusseshtakanitsh ne shuk ka ui kashtinimuk e mishta-apatitsh kie tshetshi shuk tutakanitsh tshetshi kashtinekanitsh e apashtakanitsh ute ilnussihtsh, Katakuhimatsheta umamanelitshikanuau tshinashimuatsh nelu ka tutakanitsh atusseunilu ne ushkatsh *Portrait de la Première Nation des Pekuakamiulnuatsh*¹ ka ishinikatetsh makuatsh tutakanitsh tshetshi eshpalitsh.



1. Mamu tshe atusseshtakanu ume atusseun tshetshi tshisselitakuatsh tan eshi ilniunauatsh Pekuakamiulnuatsh Takuhikan mahk ashitsh DIAGOG ka ishinikatetsh, ka mamu nanitu uapahtaka kie ka nanitu tshisselimakanita kassinu tshekualu e apatinilitsh tshe milu-apashtata ilnuatsh Peikuitsh ka ishiliuta. Tshe tshishtapalitsh ne atusseun miam pipun 2018 tshika uapahtalianun kie tshika shapatue milu-tshitapahtakanitsh kie tshe milushtetsh ka nashimuhk tshe tutakanitsh, utshimaun-atusseuna kie uitishiuna tshe milueta aishkatsh.

E ishinakuatsh kie eshi uapahtakanitsh

Ka milu-uauapahtakanitsh mishue e mamu ishpalitsh anutshish milueu tshetshi mashituepalitakanitsh pisse eshi uapahtakanitsh kie shuk ka ui kashtinekanitsh e mishta-apatitsh takuan tshetshi naushunamuk mahtau-pukutauna tshetshi kashtinekanitsh aishkatsh Pekuakamiulnuatsh umilu-miluelimunuau. Eukuan ume aiapishish pitama ka mashinatetsh :

Ushkatsh e uapahtakanitsh

Mitshen mishue e ishinakuatsh, tan e ishinakuatsh kie mishue uashka nite e atusseik tshi mishta-milu-mishkutshipalu :

- o Takuan ashpitakahikana e mishta-miluatsh;
- o Takuan shuliau tshilanu e tipelitamuk tshetshi uihtakanitsh kie tshetshi milu-tshishtakanitsh pisse atusseuna tshetshi kaniuhakanita Pekuakamiulnuatsh;
- o Mishta-mishau tshitshisselitamunu nite uetsh e mashituepalitakanitsh atusseun tshetshi kaniupalitsh miam ne ka mashituepalitakanitsh milakash e atusseshtakanitsh e nukuatsh tshitilnu-uelutishiunu, tapue tshisselitakun kie tshi petsh nituapamakunanu tshetshi mamu atusseik uitishituik tshi milu-apatishikunanu;
- o Tshitashpitishimunu nite mishue assihtsh tshi mishta-tapuehtatishunanu;
- o Ka pamipalitsh nane pipuna, tshe tutakanitsh e apatitsh nite uetsh ka ueueshtakanitsh e uhtshipalitsh tshi milu-uitishikunu tshilanu ilnuatsh Peikuitsh ka ishilniuta nite uetsh anishkutapan tipelitamun.

2 uapahtakanitsh

E shakutshipalitsh eka uitishiuetsh ahitsh taship takuan kie mahk pihkahikanu e ui ilniuk⁴ :

- o Nuhtapalu shuliau kie e ui peikussiu-atusseshtakanitsh nite e ui pakassiuakanita tshitilnininuatsh;
- o E kashtuhukuik katakushik kauapishit taship e tipelimikuihk mishue muhk mahk e ishinakuatsh;
- o Shuk e ui uapahtaluanuatsh aitun mishue assihtsh nikahikanu e ui uapahtaliueta utaitunuau nitshe eka kamitshetata ilnuatsh;
- o Shuliau apu ishpalitsh aitsh kaushtapalitsh e ui tshishpeuatekanitsh kie tshitshisselitamuna tshitaitunu kie ne nehlueun (eshi aimiek) kie mahk tshetshi uitishitun nite e ui pakassinanuatsh nite tshitassinu;
- o Apu shutishimikanilitsh e aituetia kie e tutaka nite utsh tshishe utshimauatsh, Utauatsh mahk Upishtukueiaussitsh.

3 uapahtakanitsh

Apu shuk tshi milu-kaputakanitsh ne e ishiliniuk tshissitamun kie Peikuitsh e ishilniuk :

- o Alimuhuna kie eka milu-ilniunanuatsh kashtuhukuatsh eshk minuatsh alem Pekuakamiulnuatsh. Mishue takuan alimihun : miluelimun, tshishkutamatun, uihtshinanuatsh, atusseun, kutaka kie;

- o Pekuakamiulnuatsh kashtuhukuatsh nelu e mishta-apatinilitsh Peikuitsh e ishliniuanuatsh, ka nikatamatuk tipelitamunilu ka uapishit, tshitutakanu tshetshi shutishik e peikutamuk e aitunanuatsh kie e mamu aitik. Ne e ashinehikuik e uitishituik mamu tshilanu Peikuitsh e ishliniuk tshipa takuan tshetshi ishpalitsh shetshel. Ishpiteljimakaniush auen muhk uil e ui nashek umeshkanam, takuan tshetshi nishtutatuik tshilanu e Pekuakamiulnu ilniuk takuan ume anutshish.

4 uapahtakanitsh

Pekuakamiulnuatsh Takuhikan mishta-shutishi milukapun, takuan e mishta-pukutanuatsh e atussanuatsh muhk e ishinakuatsh kie mihtshetuatsh kuhpanieshatsh :

- o Shash mishta-mihtshet pipuna, aituna tshi ashtakanu tshetshi tshishtin ishpalitsh tshe kanauelitamuk e Peikuitsh e eishliniuk kie mahk e ashu-miluanuatsh kie e milu-kanauelitamuk tshuelitishunu;
- o Tshetshi tshilanu tipelimitshuik, Pekuakamiulnuatsh Takuhikan tshitutamuatsh kie tshe milu-tshishkutamatishunanun shash 35 pipuna. Nite utsh ka tipelitaka tshe kashtinamuatsh mihtshetua e milupalitata utatusseunaua kie tapue-mashinahikana katshi milu-tipelitakanitsh tipalitamun;
- o Tshitilnussinu shash ui mihtshetuatsh e takuanilitsh tshishkutamatun-mashinahikana tshetshi pukutata e atusseta;
- o Nehlueun, tshitaimunu, kie mahk e eshi tshisselitamun kie e eshi pukutaik taship nukuan kie ilniumkanitauatsh tshishelnuatsh kie kakanauelitaka ilnu-aitunilu, aht ma eka shuk mihtshetata e milu-nehlueta ;
- o Tshikanauelitashunu mashinahikana mishta-mishau tipatshimuna e apatitsh e alamutakanitsh tshitapatshimunu tshilanu Peikuitsh ka eshi ilniuk kie katshi taik assitsh, muhk ma uil e kutshipalitakanitsh tshetshi nishtunakanitsh mishue eshk alimin.

E tshitapahtakanitsh ne ka tshisselitakuatsh kie shuk e ui kashtinamuk ka mishta-apatitsh, takuan tshetshi maminelitakanitsh :

Tanite ituhteik? Tan tshe ishinakushiuk aishkatsh tshe 25 pipuna taik?

- o Eshkua tshika kanauelimukunu Tshishe Utshimashkueu, taship e tipelimukuihk nite utsh Loi sur les Indiens ka ishinikatetsh?
- o Muhk a tshika miluatenanu ne uetsh katshi milu-utinamuk kauapishit umaminelitshikan miam itaik « ilnussi e miluelimunanuatsh » kie ne uetsh « tshishe-utshimauatsh uashka e tata »?



Makie tshika tshishtin nashenanu tshipamipalihituik tshilanu miam Pekuakamiulnuatsh ilnuatsh Peikuitsh ka eshi ilniuta?



Eshi uapahtakanitsh

Pekuakamiulnuatsh ilnuatsh Peikuitsh ka eshi ilniuta tshishtin utinimuatsh nelu utashpitishimunuau assilu kie aishkatsh.

- Tshitassinu, eukuan ne tshitashpitishimunu uetsh e Peikuitsh eshinakushiuk kie tshaitunu. Tshinanakatshitanu tshetshi miam ishpalitsh miam katshi ishpalitsh taship e ishpiteletakanitsh taship katshi nashimuk tshilnu-aitunu ka tshi taship tutamuk nite tshitassinahtsh.
- Nite shilanu ilnuatsh Peikuitsh e ishiliuik e taik, takuan kassinu auen utapun, tapuehtamun kie nishtunatitun nite uetsh e mamitshetitsh tshimeshkanaminu, kie ma kie nite uhtinimatishunitsh, e milu-utinimatishunanuatsh kie tshe tutakanitsh kassinu auen nite utsh e mamu Pekuakamiulnu aitik.
- Tshi Peikuitsh ka ishiliuik tshi ui milu-tutanu tshetshi tipelimitishuik kie e mashituepalitaik milakash tutakanitsh kie e ishpiteletakanitsh tshilnu-uelutishiunua.

Minuatsh e uhtakanitsh uetsh nashekanitsh utatusseunuau Pekuakamiulnuatsh Takuhikan kie u uelutishunuau

Pekuakamiulnuatsh Takuhikan umelu takuanilu tshetshi nasheka utatusseunuau :

- Tshetshi mishta-tapuehtakanitsh, tshishpeuatakanitsh, uapahtaliuanuatsh kie milu-kanauelitakanitsh tshitipelitamunu kanikatamakuik kie ne e ishnikatuik, aimun kie aitun kie mahk mamu tshishpeuatamun kie Pekuakamiulnuatsh puhkushelitamuna, tshetshi milakash tata ilnuatsh Peikuitsh ka ishiliuta Tshitassinahtsh;
- Tshetshi uluipalitakanitsh e ui milu-aitunanuatsh kie tshetshi tietsh kashtinekanitsh kie tshetshi milu-utinekanitsh, tshetshi taship milu-ashushtakanitsh eluetshtsh tshetshi milakanita e iapishtata Pekuakamiulnuatsh kie ushkuishtakanitsh tshetshi tapishkuatsh eshi tshitapamakanita auenitsh;
- Tshetshi milu-takuhimatsheta tshishe-ilnutshimaupita, tshetshi eka matshipalitsh kie shapu-nuhkuatsh kie tshetshi alu Peikuitsh e ishinakushik e mamu taik kie e uitishituik utsh Pekuakamiulnuatsh.

Tshuelutishiunu ka mishta-apatelitakuatsh katshi taship nashimuk tshilanu ilnuatsh Peikuitsh ka ishiliuik :

- Ishpiteletamun;
- Uitishitun kie matinuutun;
- Ashineun kie tapuehtatishun;
- Maminelitamun kie shapu-nukushinanuatsh.

Tshe ushkuishtakanitsh

Ui tapuehtatishuin tshetshi ilnu ilniuin Peikuitsh ka eshi ilniut kie tshe uhtinimashit umeshkanam, tshika takuan tshetshi nish^u tshekuanih tshetshi mishta-ushkuishtamuhk :

- **Tshetshi nanakatshitakanitsh tshe takuatsh ushkatsh ashpitshishimuna kassinu ilnu Peikuitsh e ishilniuk : Tshitassinu – Aitun – Ishinakushik, nite uetsh :**
 - Mishta-nishtunatun uetsh ka nikatumakuik **tshitipalitamunu** nite **Tshitassinatsh** kie tshuelutishiunu tshe uitishikuatsh aitsh mishue e mashituepalitakanitsh tshekuan, takuan tshetshi nituamukuik uetsh e mishta-apitelimukuik,
 - Kushpinanuatsht **Tshitassinatsh**, tshetshi tshishtin tutakanitsh aitun e milu-ilniunanuatsh,
 - Mamuikamuhk e Peikuitsh **ishinakushik**, ashitsh ne e mihtshetsh ishinakuatsh pahpeik^u tshimeshkanaminu,
 - **Tshitaitunu** tshishtin e tapuehtamuk, Peikuitsh ishinakuatsh kie utshuelutishiuna, tshetshi pihtutapilitsh mishue tshitilniunu anutshish e papalik;
- **Puhkushuelitamuk pakassiu ilnu tshishe utshimau, nite uetsh :**
 - Tshetshi tapuehtaka **Peikuitsh ka ishiliuta** nelu tshe mashinatahekanilitsh kie tshe tapuehtakanitsh **mishta-tipelitamun-mashinahikan**,
 - **Uihtishiuetun nite e mashituepalitakanitsh** uetsh muhk e kaniupalitsh nite e mashituepalitakanitsh tshetshi kie milakash kanauelitakanitsh e milualitsh tshitaussiminuatsh aishkatsh tshetshi kie **mishta-kaniupalitsh ute tshitassinatsh**,
 - Tshetshi mamu milupaliituik, tshetshi mamu aitik kie tshetshi mishkakanitsh tan tshipa tutakanu tshetshi tshishtin mashituepalitakanitsh, tshetshi uhtetnekanitsh e **pakassun ashitsh shuliau** tshetshi eka shipapalik,
 - Tshetshi shatuetshtinekanitsh e **iapatetsh e iapishtakanitsh** tshetshi **miluakanita ilnuatsh**, nite e ui tutakanitsh tshekuan e nukuatsh miam tshilanu e ihtik kie uelutishiuna e miluatamuhk kie e nashimuk,
 - Ka uapahtaliuanuatsh **kanishtutatishunuanuatsh** Pekuakamiulnuatsh miluehtamuatsh, **kie katshi tapuehtaka**.

Tshetshi mamu ushkuishtamuk e ui kashtinimuk, **Katakuhimatsheta** tshika atusseshtamuatsh tshetshi milu-takuhimatsheta tshetshi shuk aimihitunuanuatsh, e mamuhituik **kie pahpeik^u auen uitishiuet**. Ne tshe ishpalitsh, tshika takuan tshetshi **milu-uitishituik** Pekuakamiulnuatsh Takuhikan – Kassinu Pekuakamiulnuatsh tshetshi **milupalihituik** kie tshetshi mamu ihtik.

Tshe eshi milu-nashakanitsh 2017-2021

Nuitishikuhtan ne uetsh e ishupahtamatsh shuk e ishpikutetsh kalapua ilnuatsh Peikuitsh ka ishilniuta utaishkatsh ilniunau nitshe utsh Pekuakamiulnuatsh, Katakuhimatsheta mashinatahamuatsh nishuasht tshetshi nashekanilitsh utakuhimakanuaua kie e mishta-apitinilitsh shuk e ui nashakaka.

Ne nishuasht takuatsh tshe eshi milu-nashekanitsh mamushteu nite utsh e nishinilitsh e mishalitsh ashpitishimunilu : ushkatsh ume, tshe eshi milu-nashekanitsh, e atusseshtakanitsh tshetshi tipelimitishuik tshilanu ilnuatsh Peikuitsh ka ishilniuihk min kutek tshe atusseshtakanitsh tshetshi miluelimunanuatsh kie tshetshi mashituepalitakanilitsh Pekuakamiulnuatsh e iapashtata.

I. Tshetshi tipelimitishuta ilnuatsh Peikuitsh e ishilniuta

1. Nite tan tshe eishi nashekanitsh, takuan tshetshi tapuehtakanitsh tshimishta-tipelitamunu. Ne **mishta-tipelitamun uetsh Pekuakamiulnuatsh nelu ilnuatsh Peikuitsh ka ishilniuta** tshika tapue uihtamuatsh tshitipelitamunu ka nikatamakuik nite utsh tshitassinahatsh, tshika uauhtamuatsh tshiekuan uauituanuatsh kassinu mamu tipelitamuna mahk pahpeik^u utipelitamuna nite tshilanu Peikuitsh e ishilniuihk kie mahk tshika tutamuatsh tan tshe ishinakuatsh tshitilnu Tshishe-Utshimau kie mahk tipelitamuna nite utsh Ilnu Tshishe-Utshimau kie mahk tipelitamuna nite utsh ilnu Tshishe-Utshimaua kie ka tshitapahtaka tipelitamunilu.

Ushkatsh e iapatetsh e nashekanitsh :

- o Mashinatahikanitsh **mishta-tshishe-tipelitamun** utsh Pekuakamiulnuatsh ilnuatsh Peikuitsh ka ishilniuta uetsh tshetshi atusseshtakanitsh tshetshi **nanituapamata utilnimuaua** Pekuakamiulnuatsh tshetshi mamu atusseshtaka kie mahk tshetshi mamuhitata e mihtshetata.

Ume utshimau-atusseun, mamu ute ilnussitsh kie tapishkuatsh tshitapamakuik **tshika uihtishieuu tshetshi tshitilminuatsh mamuhitata** tshetshi Peikuitsh ahtik tshetshi kassinu auenitsh tshe kashtinika uitshitunilu tshetshi miluelimunanuatsh pahpeik^u ihtuihk kie mamu ihtuihk. Ne atusseun tshe mamu tapishkuatsh tshitapamatuihk uetsh tshika uitshieuu nite e **ishinikatuihk, tshitaununu kie tshitassinu**. Ei nite tshe nukuatsh **tipelitamuna**, tshetshi tshishtin **utinik kie tshiuematshet** kie mahk tapishkuatsh eshi tshitapamatishuik.

2. Ne aitun tshe ui tipelimitishuik tshilanu ilnuatsh Peikuitsh ka ishilniuta atusseshtakanu kie nashekanu mishue tshitaunua e **mishta-tapueta mun nite utsh tshitassinatsh, tipelimitishun** kie shuliautahtsh **kie tshishpeuatakanitsh tshi tipelitamunua ka nikatamukuik**.

Ushkatsh e iapatetsh e nashekanitsh :

- Tshetshi tshishtin **nukuatsh mishue Tshitassinu**, tshetshi tshishpeuata muk, tshetshi Pekuakamiulnuatsh kushpita kie tshetshi eshk tutaka aitunilu milakash atusseshtakanitsh;
- Tshetshi alu kaniupalitsh **tshishuliaminu ka peikukuhmuhk** tshetshi takuatsh tshishuliaumiutinu tshetshi peikukuhmuhk tshitipelimitishunu nite shuliautahtsh.

3. Tshetshi mamu tapuehtakanitsh kanishtutashunuanuatsh tshika mishta-uitishikunu tshetshi **ishpamipuihk** nite uetsh e ui tipelimitishuik. Tshika miluau kie tshetshi tutamuk kie tshetshi takuatsh shuliau tshetshi uetsh tipelimitishuik. Tshetshi nishtunakuik ne tshitipelitamunu ka nikatamukuik kie e ishinikatuik ilnuatsh Peikuitsh e ishilniuk eik kalapua ishpitelitakun tshetshi kau atusseshtakanitsh ka natipishtuakanita tshishe-utshimauatsh.

Ushkatsh e iapatetsh e nashekanitsh :

- Tshetshi kau atusseshtakanitsh tshetshi **tshishtapalitsh kanishtutashunuanuatsh** kie tshetshi takuatsh eshi mamanelitamuk kie tshetshi kashtinimuk pakassiun ilnu Tshishe-Utshimau;
- Miluanuatsh atusseun tshetshi kashtinimuk **tshe tutakanitsh kanishtutashunuanuatsh** tshetshi tshishtin milukuik tshitipelitamunu kie tshika takuan kuetshimueun tshe petsh mashinatuhutishita Pekuakamiulnuatsh.

II. Tshe ilniunuanuatsh kie mashituepalitakanilitsh tshetshi miluelimuta Pekuakamiulnuatsh : nituhtueuatsh Pekuakamiulnuatsh tshekualu ui apashtata

4. Nite e taik tshilanu ilnuatsh Peikuitsh ka ishilniuk, **kassinu takuanilu utapun**. E takuanilitsh mahk nanahku umeshkanamau muhk mahk uil ashinehikuatsh tanite e uhtshita, Pekuakamiulnuatsh mishta-uitishiueuatsh nite mashituepalitakanilitsh utilniua ilnussitsh. Nushkuishtanan tshetshi uapahtaliueta upukutaunua pahpeik" auen kie uitishitun muhk auen e ishinakushit tshetshi milushkamuhk mamu ilnussitsh.

Ushkatsh e iapatetsh e nashekanitsh :

- Tshetshi miluanutsh miluelitamun e **tutakanitsh miluelimun** tshetshi uitishiuetsh ua tutakanitsh kie mahk tshetshi uitishitunuanuatsh muhk **eshinakushita auenitsh ka pukutata tshetshi nashuakanita ute** ka tata ilnussitsh;
- Tshetshi uihtakuatsh tshe **ashpitishimuanuatsh nite utsh tshishkutamatunitsh** tshetshi pihtepalitsh tshilanu Pekuakamiulnuatsh tshitshisselitamunua kie ma tshe milu-nashekanitsh e tshishkutamatshanutsh kie ashu miluanuatsh e nukuatsh ilnu-aitun muhk tshetshi alu shukutshipalitakanitsh tshishkutamatishun kie tshe tutakanitsh ilniun tshetshi miluelimunanuatsh;
- **Tshetshi punipalitsh tshitimaun kie unitshissituakanita auenitsh uhpime e alahakanita** tshetshi takuatsh uitishitun muhk e ishinakuatsh tshetshi kau tshitapahtakanitsh muhk tshetshi uitishiuetsh e mamu eitik kie tshetshi punipalitsh e mamu eitita nitshe ka alamihikatau ishkuteuapulu mahk ka matshikaunilitsh.

5. **Tshitaitunu** kie ne **nehlueun** taship ilniun, muhk apu eshpish shutishimikats. Mishta-uelutishiuna nite utsh tipatshimuna kie ashu mishkutshipalu e mishkutshipalitsh ute assihtsh. Tshika mishta-aitunanun tshetshi kanauelitamuhk kie tshetshi ishkuatshipalitakanitsh.

Ushkatsh e apatetsh e nashekanitsh :

- Shatuetshinakanitsh tshetshi tshishtin kashtinamuk kie milu-tshitapahtakanitsh uitishituna tshetshi **Pekuakamiulnuatsh kau kashtinika utaitunuau, utipatshimunuau kie mahk unehlueunuau** tshetshi ashinehikuta tipatshimueun;
- Ushkuishtakanitsh tshetshi ashu miluanuatsh tshitaitunu utsh ka ishlniuk nite **tshitassinahstsh**, eukuan uesh e ashpitishimutishuik eishi uiltishik.

6. Nite utsh tshe **kaniupalitsh shuliautats**, nitapuehtenan tshetshi mashituepalitakanitsh tshetshi milakash kanauelitakanitsh atusseuna tshetshi aishkatsh tshitaussiminuatsh kie uiluu uapahtaka kie tshetshi atusseuakanita Pekuakamiulnuatsh kie tshetshi nanakatishakanita auenitsh tshetshi uitishiueta e mashituepalitakanitsh tshe kaniutshepalitsh shuliautats.

Ushkatsh e apatetsh e nashekanitsh :

- Milu-mashituepalitakanitsh tshetshi **milu-kaniunuanuatsh** tshetshi shuk nukuatsh e shuliautsheik ute ilnussihtsh;
- Miluanuatsh e **uitishiuets shuk ui mashituepalitata tshekualu Pekuakamiulnuatsh** ka atusseshtatishita tshetshi kie **nashekanilitsh eshi kuetshimuenuanuatsh tshetshi tshishtin nashkanitsh**;
- Shuk tshetshi mashituepalitakanitsh **mamu kaniupalitakanitsh shuliau** eshi apatitsh ute ilnussihtsh.

7. Nite utsh Pekuakamiulnuatsh Takuhikan, e ishi **uapahtakanitsh ne uetsh ka mishkutshipalitsh nite ka mamu atusseshtuata** Pekuakamiulnuatsh kie shuk e ui milushtata eukuan nelu tshi ashpitshimueta nite uetsh ka ui tipelimitishuik e ui ilnu-tshishe-utshimauik kie ka tipelitakanitsh.

Ushkatsh e apatetsh e nashekanitsh :

- Mashituepalitakanitsh kie tshe atusseshtakanitsh tshe eishi nashimuk kie **tshe milupalik uetsh nite tipelimitishunu** tshetshi kie milu-pukutata e atusseeta, e uapahtakanitsh tshekuan atusseshtakanitsh kie tshetshi kassinu e iapatitsh atusseshtakanitsh tshetshi tshishtin tshishpeuatamuk milu-takuhikanitsh e kanauelitashuik;
- Unisse tshetshi **kashtinekanitsh** uitishitun kie eshi apashtakanitsh kie tshetshi **pihtepalitakanitsh e shinakuatsh tshitaitunua** tshetshi kie ishpalitsh mamu atusseshtakanitsh e mishta-pukutanuatsh utsh ilnu-aitun kie e mishta pukutanuatsh e atussanuatsh uetsh e kashtinekanitsh tshishkutamatishun mashinahikaniss;
- Kau atusseshtakanitsh ka milu-tshitapahtakanitsh e **nashimuk tshetshi milushtetsh tshitatusseunua, uitishiuetuna kie e iapatitsh tshetshi uitishiuets** tshetshi uitishiuets e nashekanitsh nuhtshimiu-atusseun tshetshi milupalitaik kie aiahkuenishtakanitsh tshetshi kashtinekanitsh ka ui kashtinimuk kie tshetshi taship milu-mishkutshipalitsh.





Nikanitsh, ilnutshimau Clifford Moar, nikanitsh takuhikaniss Élizabeh Lauinière
kie, uhtanatsh, takukuhikanissatsh Patrick Courtois, Charles-Édouard Verreault,
Jonathan Germain, Stacy Bossum mahk Stéphane Germain.